

Cometen Predigt.

Als wie Anno 1104. Item 1313. Item 1556. Ach
wenn wir vns gegen GOTT im Himmel hielten / wie wir
soltten / GOTT thet auch wol das seine / das wir vber ihn
nicht zu klagen hetten. Dieser Comet solt vns auch wol
nichts thun / sein macht wer ihm albereit schon / infrin-
girt vnd benommen / vnd möchten also wol für allen vbel
vnd vnfall behütet vnd bewahret sein vnd bleiben.

Schließlich vnd zum 4. Haben wir auch dabey zu
practiciren patientem iræ divinæ portationem.
Des wann ja nach vnsern wol verdienten straffen / aller-
hand vnglück auff diesen Cometen dieses vnd folgende
Jahr erfolgen solte / vnd der Allmechtige Gott vns et-
wan mit Krieg / Blutvergiessen / Pestilens vnd andern
plagen heimsuchen / vnd nach seinen willen straffen wur-
de / wir vnser Seel fassen in guter gedult / auch sa-
gen / ich wil des HERR Zorn tragen / den ich hab Mich. 7^o
ihm gesündigt: Wir bitten ihn drum / gieb vns ge-
dult in leyden zeit / gehorsam seyn in lieb vnd leidt / wir
müssens doch dafür achten / wir werden von dem HERRN
gezüchtiget / auff das wir nicht sampt der GOTTlosen 1. Cor. 10^o
Welt verdampte werden / sprechen mit guter gedult / Do-
mine hic seca, hic ure, hic diverbera, sed parce in
altera vita. Ach HERR wiltu ja Züchtigen / schlas-
ge / Breue / Steupe hie in diesem / vnd schone in je-
nem andern Leben / den Gott der HERR steldt den Fawris-
gen Cometē in der lufft zum Zeichen dahin / der mus brens-
nen / anzeigende / GOTT werde dermahl eins alles mit
Fewer in der Welt verbrennen / wenn das Letzte Fewer
werde angehen.

Da